

ԳՅՈՒՂԱՑԻԱԿԱՆ ՀՈՒՂՈՒՄՆԵՐՆ ԱՐԵՎԵԼՅԱՆ
ՀԱՅԱՍՏԱՆՈՒՄ 1895—1900 թթ.

Պատմ. գիտ. դոկտոր Ա. Ա. ՀԱՄԲԱՐՅԱՆ

XIX դարի 90-ական թթ. կեսից ազատագրական շարժումները Ռուսաստանում թեև կոխեցին իրենց ղարգաջման պրոլետարական շրջանը: Բնքնակալության բռնությունների դեմ արդյունաբերական կենտրոնների հետ ըմբոստացավ նաև գյուղը: Ռուս գյուղացիների դասակարգային պայքարի աճին նպաստեց տարագնացությունը, երբ ապրուստ հայթայթելու համար նրանք թափառում էին քաղաքից-քաղաք կամ արդյունաբերական կենտրոնից-կենտրոն և շփվելով պրոլետարական զանգվածների հետ, յուրացնում էին նրանց հեղափոխական տրամադրություններն ու վերադառնալով գյուղ, տարածում դրանք իրենց համագյուղացիների մեջ: Վ. Ի. Լենինը ցույց էր տալիս, որ ճորտատիրական իրավունքի վերացումից հետո «նստակյաց, ընկճված, յուր գյուղին կառչած, տերտերներին հավատացող, «մեծավորից» վախեցող ճորտ գյուղացու փոխարեն հասունանում էր գյուղացիների նոր սերունդ, որոնք եղել էին արտագնաց զբաղմունքներում, քաղաքներում, սովորել էին մի որոշ բան թափառական կյանքի ու վարձու աշխատանքի դառը փորձից»¹: Դարավերջին ռուս գյուղացիների դասակարգային պայքարը շարունակում էր ծավալվել ամենատարբեր ձևերով և ընդգրկում ավելի մեծ գյուղացիական զանգվածներ: Կենտրոնից զատ գյուղացիական ելույթներն ակտիվանում են նաև կայսրության ծայրամասերում, մասնավորապես Ուկրաինայում, Մերձբալթիկայում, Պոլովիեում ու Անդրկովկասում:

XIX դարի 90-ական թթ. վերջերին գյուղացիական շարժումները որոշ չափով աշխուժացան նաև Արևելյան Հայաստանում². դա պայմանավորված էր գյուղացիության տարագնացության ղարգաջումով, հետզհետե խորացող սոցիալական շերտավորմամբ, ցարիզմի հարկային հարստահարության սաստկացումով, 1892—1894 թթ. անբերրիության ու սովի ծանր հետևանքներով և այլ հանգամանքներով: Գյուղացիները շարունակում էին պայքարել ինչպես ցարական իշխանությունների, տեղական հողատերերի ու հոգևորականության, այնպես էլ գյուղի կուլակության դեմ: Նրանց պայքարը շարունակում էր ընթանալ տարբեր ձևերով և դրսևորվել պասիվ ու ակտիվ եղանակներով: Գյուղացիները պայքարում էին ամենից առաջ հողի համար: Նրանք պահանջում էին վերադարձնել իրենց այն հանդակները, որոնք տարբեր պատրվակներով բռնագրավված էին իշխանությունների կողմից և դարձված արքունական եկամուտի աղբյուր: 1895 թ. մայիսին Սուրմալուի գավառի Արալիս-Բաշքենդ

1 Վ. Ի. Լենին, Երկեր, հատ. 17, էջ 88—89:

2 Արևելյան Հայաստանի 90-ական թվականների գյուղացիական շարժումների մասին տե՛ս Վ. Հ. Ռշտունի, Ուրվագծեր Հայաստանի գյուղացիության պատմության, մաս Բ, Երևան, 1968, էջ 220—230:

գյուղի բնակիչները նահանգապետին գրում էին, որ մեկ տարի առաջ Երևանի նահանգի ու Կարսի մարզի պետական ունեցվածքների վարչությունը իսկել է իրենց բարերեր հողերից 40 գեսյատին և, դարձնելով հասույթաբեր հող, վարձակալությամբ տվել Երևանում ապրող իրենց համադյուղացիներին մեկին: Նրանք պահանջում էին վերադարձնել այդ հողամասը: Սակայն նահանգապետը նրանց պահանջը թողնում է անհետևանք³: 1897 թ. նման խնդրագրով նահանգապետին դիմեցին նաև Ալեքսանդրապոլի գավառի Ֆաղուրի գյուղի բնակիչները: Նրանք նշում էին, որ իրենք առանց այդ էլ տառապում էին սակավահողությունից, իսկ պաշտոնյաները, բռնագրավելով իրենց հողերը, ավելի վատթարացրել են դրությունը: Այս խնդրագիրը նույնպես մատնվեց անուշադրության⁴: 1898 թ. ապրիլին իշխանությունների թալանչիական գործողությունների դեմ բողոքում են նաև Նոր Բայազեդի գավառի Ներքին Ալուշալու գյուղի բնակիչները: Նշելով, որ իրենց գյուղի բնակիչների թվաքանակը մեծացել է, բայց հողային տարածությունները մնացել են անփոփոխ ու դառ պատճառով իրենք ընկել են ծանր կացության մեջ, նրանք պահանջում էին վերադարձնել իշխանությունների խլած հողերը: Գոհացում չստանալով, նույն թվականի հունիսին գյուղացիները նոր խնդրագիր ուղարկեցին նահանգապետին, բայց վերստին մնացին անպատասխան⁵:

Արևելյան Հայաստանի մի շարք շրջաններում, որտեղ բնակչության աճի հետևանքով բաժնեհողերը փոքրացել էին, գյուղացիները դիմում էին ցարական պաշտոնյաներին և պահանջում լրացուցիչ հողամասեր, ընդ որում նրանք այդ հարցը բարձրացնում էին սովորաբար այն դեպքում, երբ գիտեին, որ կան պետական ազատ հողեր և հնարավոր է բավարարել իրենց պահանջը: Դեռ 1894 թ. Ալեքսանդրապոլի գավառի Մեծ Քյափանակ գյուղի բնակիչները նահանգապետին դանդաղում էին, որ իրենց գյուղն արդեն բաղկացած է 250 ծխից (2600 շնչից), իսկ հող ունեն այնքան, որքան 50 տարի առաջ և դրա հետևանքով ընկել են ծանր կարիքի մեջ: Նրանք խնդրում էին լրացուցիչ բաժնեհող: Բավարարում չստանալով, 1895, 1896 և 1897 թթ. գյուղացիները նորից դիմեցին նահանգապետին, բայց արդյունքի չհասան⁶: 1894—1896 թթ. նման պահանջներով իշխանություններին դիմեցին նաև Նոր Բայազեդի գավառի Կյասման գյուղի բնակիչները: Թեև նույնիսկ պաշտոնյաներից ոմանք ստիպված խոստովանեցին այս գյուղի սակավահողությունը, բայց նահանգապետը անհետևանք թողեց գյուղացիների պահանջները⁷: 1895 թ. մայիսին լրացուցիչ բաժնեհողի խնդրագրով նահանգապետին դիմեցին նաև Երևանի գավառի Մամադ-Աբադ գյուղի բնակիչները (8 տնտեսություն կամ 50 հոգի), որոնք ունեին ընդամենը 14 գեսյատին վարելահող և պահանջում էին իրենց տալ գյուղի շրջակայքում ընկած 52 գեսյատին պետական հողամասը: Գոհացում չստանալով, գյուղացիները շարունակեցին խնդրագրեր ուղարկել նաև հետագա տարիներին: Ի վերջո՝ 1900 թ. նահանգապետը պատասխանեց, որ մամադաբադցիները իրենց մատնանշած պետական հողամասը կարող են վերց-

3 Տե՛ս Հայկական ՍՍՀ Կողմ, ֆ. 94, ցուց. 5, գ. 454, թ. 3:

4 Նույն տեղում, գ. 648, թթ. 3—4:

5 Նույն տեղում, գ. 852, թթ. 3—7:

6 Նույն տեղում, գ. 141, թ. 12:

7 Նույն տեղում, գ. 168, թ. 5:

նել միայն վարձակալությամբ, այն էլ մասնակցելով աճուրդին⁸, 1898 թ. մարտի 25-ին լրացուցիչ բաժնեհոդի սյահանջով հանդես եկան նաև Երևանի գավառի Նորադուզ գյուղի բնակիչները: Կառավարչապետին հղած իրենց խնդրագրում նրանք նշում էին, որ այդ հարցով «մենք բաղմիցս դիմել ենք ձեզ, բայց մինչև հիմա չենք ստացել մեր օգտին խոսող որևէ պատասխան»⁹: Նրաված գյուղերից բացի, 1890-ական թթ. երկրորդ կեսին իշխանություններից լրացուցիչ բաժնեհոդ պահանջեցին նաև Երևանի գավառի Ռորփախլա, Սարջալար, Ալեքսանդրապոլի գավառի Աջիմբար, Նոր Բայազեդի գավառի Ղանլի-Ալահվերդի, Քյարկիմբաշ, Ատամխան և այլ գյուղերի բնակիչները, բայց նրանց մեծ մասը մերժում ստացավ¹⁰:

Այս ամենի հետևանքով գյուղացիները հաճախ ցանկություն էին հայտնում թողնել իրենց բնակավայրերը և տեղափոխվել նոր շրջաններ, մասնավորապես Կարսի մարզը, հույս ունենալով, որ այստեղ ձեռք կբերեն ընդարձակ տարածություններ: Ուստի դիմում էին ցարական իշխանություններին և խնդրում տեղափոխման թույլտվություն: 1895 թ. նահանգապետին այդպիսի խնդրագիր ներկայացրեցին Ալեքսանդրապոլի գավառի Մեծ Ջամուշլու, 1896 թ.¹¹ նույն գավառի Հոբամ, Միրաբ, 1897 թ.¹² նոր Բայազեդի գավառի Ճամբաբերդ գյուղերի բնակիչները¹³: Սակայն իշխանությունները մերժում էին նրանց, հայտարարելով, որ տեղացիների վերաբնակեցումը Կարսի մարզում կառավարության կողմից արգելված է¹⁴: Որոշ շրջանների բնակիչներ ցանկություն էին հայտնում տեղափոխվել Երևանի գավառի ցածրագիր շրջանները, մասնավորապես Սարգսարբադի տափաստանը և Ելիսավետպոլի նահանգը: Այդպիսի խնդրագրեր ներկայացրեցին 1895 թ. նոր Բայազեդի գավառի Վերին Ախտալի, 1896 թ.¹⁵ Ալեքսանդրապոլի գավառի Քոռ-Աղբյուր և այլ գյուղերի բնակիչները: Սակայն իշխանությունները նրանց նույնպես մերժեցին, պատճառաբանելով, որ չկան ազատ ու հարմար տարածություններ¹⁶:

Այլ ելք չգտնելով, գյուղացիները անցնում էին ակտիվ գործողությունների և բռնագրավում պետական հողերը: Այդպես վարվեցին, օրինակ, Մեծ Ղարաբլիխայի բնակիչները, որոնք տարբեր ժամանակներում արքունական կավածքներից զգալի տարածություն բռնագրավեցին և իշխանություններին հարկադրեցին ճանաչել այն որպես լրացուցիչ բաժնեհոդ¹⁷:

Նման քայլի դիմեցին նաև էջմիածնի գավառի Կիրաշլու գյուղի բնակիչները, որոնց մի մասը, հաստատվելով պետական հողերի վրա, դարձրեց դրանք իր համայնական սեփականությունը: Բնորոշ է, որ ցարական իշխանությունները 1896 թ. փորձեցին նրանց վերադարձնել իրենց հին բնակավայրը, սակայն հանդիպեցին գյուղացիների համառ դիմադրությանը: Հետագայ տարիներին իշխանությունները մի քանի անգամ էլ կրկնեցին այդ փորձը, արգելելով գյուղացիներին դուրս գալ դաշտային աշխատանքի, անգամ կրն-

⁸ Նույն տեղում, գ. 282, թ. 34:

⁹ Վրացական ՍՍՀ Կողմ, ֆ. 12, ցուց. 10, գ. 796/844, թ. 1:

¹⁰ Տե՛ս ՍՍՀ Կողմ, ֆ. 94, ցուց. 5, գ. 289, թ. 11, գ. 298, թ. 10, գ. 322, թ. 3, գ. 501, թ. 3, գ. 517, թ. 3:

¹¹ ՍՍՀ Կողմ, ֆ. 94, ցուց. 5, գ. 340, թ. 8, գ. 525, թ. 9, գ. 458, թ. 5, գ. 613, թ. 1:

¹² Նույն տեղում, գ. 340, թ. 8, գ. 613, թ. 1:

¹³ Նույն տեղում, գ. 223, թ. 31, գ. 613, թ. 1, գ. 446, թ. 13, գ. 458, թ. 5:

¹⁴ Նույն տեղում, գ. 265, թ. 5:

գելով նրանց տների դռները, բայց գյուղացիները ջարդեցին կնիքները և շարունակեցին մնալ իրենց գրաված տերիտորիայում: Խուսափելով բարդություններից ու հնարավոր արյունահեղությունից, 1901 թ. նահանգապետը կարգադրեց առժամանակ հանգիստ թողնել Կիրաշլուի նորաբնակներին¹⁵:

Արքունական հոդերի գրավումը գյուղացիության կողմից 1890-ական թթ. վերջերին պալի շափերի հասավ: 1896 թ. Երևանի նահանգի ու Կարսի մարզի պետական ունեցվածքների վարչության հատուկ հանձնարարությունների պաշտոնյան իր գեկուցաբերում նշում էր, որ «պետական ձեռնարկին արոտավայրերի օգտագործման բնագավառում ոչ մի կարգ չկա: Մի գեպում այդ արոտավայրերի վարձակալները, գերազանցապես ազդեցիկ կուլակները հափշտակում են հարևան գյուղացիների բաժնեհոդերը, իսկ մի այլ դեպքում, ընդհակառակը, հարևան գյուղացիներն են գրավում պետական ձեռնարկին արոտավայրերը»¹⁶: Այնուհետև այդ պաշտոնյան նշում էր, որ նահանգի 55 կոոր պետական ձեռնարկին արոտավայրերից, որոնց տարածությունը հասնում է 36041 դեյսատինի, 1895 թ. մասնավոր անձինք ու գյուղական համայնքները գրավել են 5098 դեյսատին կամ 14 տոկոսը¹⁷: Գյուղացիների կողմից արքունական հոդերի գրավումը ավելի կամ պակաս շափով տեղի էր ունենում նաև երկրի այլ շրջաններում:

Արևելյան Հայաստանի գյուղացիները 1890-ական թթ. վերջերին շարունակում էին պայքարել նաև ցարիզմի հարկային հարստահարության դեմ: Շատ հաճախ նրանք իշխանություններից խնդրում էին հետաձգել հարկերի գանձումը, քանի որ անկարող են վճարել դրանք: 1895 թ. փետրվարին էջմիածնի գավառի Բաբաբիշի գյուղի բնակիչները նահանգապետին գրում էին, թե գյուղապետն ու նրա ղեկավարները, կատարելով պրիստավի կարգադրությունը, դաժան միջոցների էին դիմում հարկերը հավաքելու համար և խնդրում էին դռն երկու ամիս ժամանակ տալ, որովհետև այնպես են աղքատացել, որ «անկարող են հիմա եել վճարել տուրքերը»: Նահանգապետը կատարեց նրանց խնդրանքը¹⁸: Հարկերի մուծման ժամկետի երկարաձգման հարցով նահանգապետին դիմեցին նաև էջմիածնի գավառի Ափնա (1895), Երևանի գավառի Զարաշալու և Յամանշալու (1896), Ալեքսանդրապոլի գավառի Մուլա-Քուկչա (1897), Նոր Բայազետի գավառի Կուլալի (1897), Շարուր-Իտաքալա-Գյազի գավառի Զեյվա (1899) և այլ գյուղերի բնակիչները: Բայց նահանգապետը այդ դիմումների մեծ մասը թողեց անհետևանք կամ ուղղակի մերժեց, համարելով, որ դրանք արժանի չեն ուղարկության¹⁹:

90-ական թվականների վերջերին, երբ ցարական կառավարությունը ավելացրեց բնակչությունից գանձվող հարկերը, Արևելյան Հայաստանի գյուղացիները համարյա ամենուրեք ընդդիմացան այդ քաղաքականությանը և պահանջեցին իջեցնել դրանք: Այսպես, 1899 թ. ապրիլին Սուրմալուի գավառի Կազիկչլակ գյուղի բնակիչները նահանգապետին հասցեագրված խնդրագրում նշում էին, որ իրենք մինչ այդ վճարում էին 987 ուրբ. 86 կոպ. հողահարկ ու երկրային հարկ, իսկ այժմ իշխանությունները դրանից գատ պահանջում են:

¹⁵ Նույն տեղում, գ. 473, թ. 93:

¹⁶ Նույն տեղում, ֆ. 133, գ. 1922, թ. 42:

¹⁷ Նույն տեղում, թ. 43:

¹⁸ Նույն տեղում, ֆ. 94, ցուց. 5, գ. 240, թ. 3:

¹⁹ Նույն տեղում, գ. 259, թ. 4, գ. 419, թթ. 1—2, գ. 594, թ. 4, գ. 702, թթ. 4—5:

նաև 837 ուրբ. 26 կոպ.: «Ինչո՞ւ, ի՞նչ հիման վրա են մեր հարկերը համարյա կրկնապատկվում», — հարցնում էին գյուղացիները և խնդրում չեղյալ հայտարարել ավելացրած գումարը: Սակայն նահանգապետը մերժեց²⁰, 1899 թ. ապրիլին նույն հարցով նահանգապետին դիմեցին նաև այդ գավառի Գյուլիջա գյուղի բնակիչները: Նրանք ցույց էին տալիս, որ անցյալում իրենք վճարում էին տարեկան 382 ուրբ. 70 կոպ., իսկ այժմ իշխանությունները պահանջում են 763 ուրբ. 68 կոպ.: Հայտարարելով, որ իրենք անկարող են վճարել այդ գումարը, գյուղացիները հրաժարվում էին նոր հարկի վճարումից: Սակայն նահանգապետը կարգադրեց հավաքել սահմանված ամբողջ գումարը²¹: Կառավարության հարկային քաղաքականության սաստկացման դեմ բողոքեցին նաև Ալեքսանդրապոլի գավառի Մուլա Գյուկչա (1899), Սուրմալուի գավառի Փարնաուտ (1900), Երևանի գավառի Գյոյքիլիսա (1900) և այլ գյուղերի բնակիչները: Մերժելով նրանց բողոքները, իշխանությունները ստիպեցին վճարել թե՛ հին և թե՛ նոր գումարները²²:

Գյուղացիները հրաժարվում էին նաև ապառքներից, որոնք տարիներ շարունակ կուտակվելով, նրանց համար դարձել էին անտանելի բեռ: Ալդպիսի փորձ կատարեցին, օրինակ, էջմիածնի գավառի Կարգաբազար գյուղի բնակիչները, որոնք դեռ 1894 թ. դեկտեմբերին պահանջեցին նահանգապետից՝ հանել իրենց հարկացուցակից 930 ուրբ. ապառքը, պատճառաբանելով, որ տնտեսապես քայքայվել են և չեն կարող գումարը վճարել: Պատասխան չստանալով, նրանք պայքարը շարունակեցին նաև հետագա տարիներին: Ի վերջո, 1896 թ. նահանգապետը կարգադրեց երեք տարով երկարաձգել կարգաբազարցիների ապառքների վճարման ժամկետը²³:

Ցարական կառավարության հարկային պաշտոնյաները գյուղերից հեռացածների հարկերը պահանջում էին մնացողներից և ունեորների հետ համարյա հավասար հարկի տակ էին դնում նաև ընչազուրկներին: Գյուղացիությունը բողոքում էր նաև այդ շարաշահումների դեմ: Այսպես, 1895 թ. մարտին նոր Բայազետի գավառի Չըռչըռ գյուղի բնակիչները գրում էին նահանգապետին, որ տեղական ոստիկանական պրիստավը իրենցից պահանջում է զյուդից հեռացած երկու քրդական ընտանիքների տուրքերը և խնդրում էին ազատել իրենց այդ ապօրինի հարկերից, բայց նահանգապետն ու գավառապետը որոշեցին նրանց խնդրագիրը թողնել անհետևանք²⁴: Երևանի գավառի Գյուլթափա գյուղի բնակիչները 1899 թ. դեկտեմբերին գրում էին նահանգապետին, որ իրենց գյուղը անցյալներում ունեցել է 82 տնտեսություն, որոնց կեսը տարբեր ժամանակներում արտագաղթել է, որ գյուղում մնացել է ընդամենը 41 տնտեսություն, մինչդեռ իշխանությունները պահանջում են բոլոր 82 տնտեսությունների հարկերը: Գյուղացիները հրաժարվում էին վճարել արտագաղթածների հարկերը, սակայն նահանգապետը կարգադրում է գանձել նաև դրանք²⁵:

20 Նույն տեղում, գ. 1013, թթ. 3—4:

21 Նույն տեղում, գ. 1015, թթ. 1—4 :

22 Նույն տեղում, գ. 1102, թթ. 1—5, գ. 1198, թթ. 2—5, գ. 1208, թ. 1:

23 Նույն տեղում, գ. 200, թ. 17:

24 Նույն տեղում, գ. 254, թ. 4:

25 Նույն տեղում, գ. 1144, թթ. 1—2:

1898 թ. հունիսին Սուրմալուի գավառի ներքին Ախտա գյուղի շքավորները բողոքում էին նահանգապետին, որ աղքատության պատճառով ստիպված են եղել թողնել երկրագործությունը և զբաղվել հովվությամբ, իսկ հարուստ համագյուղացիները տիրացել են իրենց հողաբաժիններին և նույնիսկ վարձակալությամբ են տալիս դրանք, ստանալով զգալի եկամուտներ: Չնայած դրան, պաշտոնյաները ստիպում են իրենց վճարել պետական բոլոր հարկերը: Նրանք հրաժարվում էին այդ կարգադրության կատարումից, սակայն նրանց բողոքը մնաց անպատասխան²⁶: 1900 թ. հունիսին Ալեքսանդրապոլի գավառի Բոգիթենի գյուղի բնակիչները գրում էին նահանգապետին, որ թեպետ իրենք անասուններ չունեն, իսկ հարուստները շատ ունեն, վերջինները հարկադրում են իրենց վճարել բոլոր հարկերը: Ընչադուրկները պահանջում էին հարկերը սահմանել ըստ անասունների գլխաքանակի և «այդ ճանապարհով աղատել մեզ՝ աղքատներիս հարուստների ուժեղ ճնշումից ու հարկերից»: Սակայն նահանգապետը մերժեց նրանց, պատասխանելով, որ պետական հարկերը համայնքի տնտեսությունների վրա բաշխվում են իրենց՝ գյուղացիների կողմից²⁷:

Չնայած ցարական իշխանությունների կիրառած խստություններին, գյուղացիները, այնուամենայնիվ, հրաժարվում էին հարկերի վճարումից: Դա ապառքների աճի պատճառներից մեկն էր: Միայն երկու տարվա ընթացքում (1898—1900 թթ.) այդ ապառքները Երևանի նահանգում 1120796 ուրբ. 89 կոպ. հասան 1291788 ուրբ. 45 կոպ.²⁸:

XIX դարի 90-ական թթ. վերջերին Արևելյան Հայաստանի գյուղացիները շարունակում էին պայքարել նաև կալվածատիրական շահագործման ու հարստահարման դեմ: Նրանք որոշ դեպքերում հրաժարվում էին բահրայի վճարումից և ֆեոդալական պանդան պարտույթների կատարումից: Այսպես 1895 թ. ղեկտեմբերին Երևանի գավառի Ալիմամեզկչլակ գյուղի բնակիչները հայտարարեցին, որ իրենք չեն ճանաչում հողատիրոջ սեփականատիրական իրավունքները ախալյին հողերի նկատմամբ և «մուլք չեն տա»²⁹: Գյուղացիներին հնազանդեցնելու համար հաշտարար միջնորդը ուղարկեց գավառի ԼՆ ոստիկանական մասի պրիստավին, որը սպառնաց, թե շինականները, եթե շարունակեն համառել, կզրկվեն իրենց հողատարածություններից: Սակայն պրիստավի այդ սպառնալիքը չներգործեց գյուղացիների վրա: Այն ժամանակ հաշտարար միջնորդը դիմեց Երևանի գավառապետին և հայտնեց, որ թեև ինքը մի քանի անգամ փորձել է համոզել ալիմամեզկչլակցիներին, «սակայն չի կարողացել կոսորել նրանց դիմադրությունը»³⁰: Ցարական պաշտոնյաների միջամտությունը չօգնեց հողատիրոջը, և պայքարը շարունակվեց: Վերջապես 1899 թ. ղեկտեմբերին կողմերի միջև կնքվեց համաձայնագիր, որով վիճելի հողերի մեծ մասը տրվեց գյուղացիներին, իսկ հողատերերը դրանց արդյունքներից մուլք էր ստանալու: Բացի դրանից, կալվածատերերը կարող էր ոռոգող ջրից օգտվել միայն այն ժամանակ, երբ գյուղացիները կավարտեին իրենց

²⁶ Նույն տեղում, գ. 1079, թ. 3:

²⁷ Նույն տեղում, գ. 1285, թթ. 5, 7:

²⁸ Նույն տեղում, գ. 963, թ. 33, գ. 1340, թ. 37:

²⁹ «Крестьянское движение в Армении в XIX в.», составил проф. В. А. Рштуни при участии К. Степаняна, Ереван, 1948, էջ 370:

³⁰ Նույն տեղում, էջ 372:

հանդերի ոռոգումը³¹։ Այսպիսով, համառ պայքարի շնորհիվ գյուղացիները հասան որոշ հաջողության։

1895 թ. ֆեոդալական պարտույթների դեմ նորից հանդես եկան Երևանի գավառի Պտղնի գյուղի բնակիչները։ Նրանք հասան այն բանին, որ 1899 թ. ցարական կառավարությունը Պտղնին ադատեց թիուական-կալվածատիրական կախվածությունից և համարեց պետական գյուղ³²։ Դա այսպես թե այնպես թեթևացնում էր նրանց դրությունը։ 1896 թ. փետրվարին միջնադարյան շահագործման դեմ ծառացան նաև Երևանի գավառի Վերին Ղուլասար գյուղի բնակիչները։ Նրանք առաջարկեցին, որ հողատերերը բահրա ստանան միայն իրենց հողերից։ Սակայն հաշտարար միջնորդը այդ առաջարկությունը թողեց անհետևանք³³։

Երկրի մի շարք շրջաններում գյուղացիները բողոքում էին նաև այն ժամանակ, երբ աղաները զանազան ճանապարհներով փորձում էին բռնագրավել նրանց հողատարածությունները և ենթարկել ֆեոդալական հարստահարման։ Նրանք դիմում էին ցարական իշխանություններին։ Այսպես, 1896 թ. մարտին Երևանի գավառի Կալադիբի գյուղի բնակիչները գրում էին Երևանի նահանգի ու Կարսի մարզի պետական ունեցվածքների լիազորին, որ երկու բեկեր, հաստատվելով իրենց գյուղում, զավթել են իրենց բարեբեր հողերից 5 խավար և ոռոգման ջուրը։ Նրանք պահանջում էին վերադարձնել այդ տարածությունը մանավանդ որ իրենք «հողի կարիք ունեն»³⁴։ Գյուղացիների բողոքը մնաց անպատասխան։ 1896 թ. ապրիլին նույն գավառի Զիվանդարա գյուղի բնակիչները նահանգապետին ուղղված բողոքագրում նշում էին, որ իրենց գյուղում ինքնագլուխ հաստատված բեկերը, պարբերաբար զավթելով համայնական հողերը, գյուղացիներին ամենաժանր վիճակի են հասցրել։ Զիվանդարացիները պահանջում էին վերաբաժանել ամբողջ հողը ըստ բնակիչների թվի։ Իշխանությունները փորձեցին կատարել այդ պահանջը և դիմեցին Կովկասի կառավարչապետին։ Վերջինս նույնպես տվեց իր համաձայնությունը։ Բայց երբ գործը հասավ հողագործության ու պետական ունեցվածքների միջնորդին, նա կարգադրեց բեկերի օգտագործման տակ եղած հողերը թողնել անձեռնմխելի՝ մինչև Երևանի գավառի գյուղացիների հողաշինարարության իրագործումը³⁵։ 1896 թ. բեկական հափշտակումների դեմ բողոքեցին նաև Երևանի գավառի Բայբուրտ գյուղի բնակիչները։

Հաճախ կալվածատիրական գյուղացիները պայքարի պասսիվ ձևերից անցնում էին ակտիվ ձևերին և բռնագրավում մուլքադարների, աղաների կամ բեկերի հողերը։ 1896 թ. մայիսին Երևանի գավառի Զանջիրու գյուղի բեկերը, դիմելով նահանգապետին, գանգատվում էին, որ գյուղացիները դեռ ութ տարի առաջ սկսել են բռնագրավել իրենց հողերը։ Նրանք նշում էին, որ արյունահեղությունից խուսափելու համար իշխանությունները պետք է կիրառեն վճռական միջոցներ։ 1897 թ. հուլիսին նահանգապետը կարգադրեց սահմանադատել բեկերի ու գյուղացիների վիճելի տարածությունները³⁶։

31 Նույն տեղում, էջ 373—374։

32 Նույն տեղում, էջ 300—301։

33 Նույն տեղում, էջ 374։

34 Նույն տեղում, էջ 375։

35 ՀՍԽՀ Կողմ, ֆ. 94, ց. 5, գ. 429, թ. 63։

36 Նույն տեղում։

1897 թ. ապրիլին իրենց հուլերը գյուղացիների կողմից բռնագրավելու դեմ զանգառվեցին նաև Երևանի գավառի Աղամզալու գյուղի հողատերերը՝ Նշելով, որ գյուղացիները վարում են կալվածատիրական հողատարածությունները, նրանք տեղական իշխանություններից պահանջում էին արգելել աղամզալուցիների այդ գործողությունները: Հաշտարար միջնորդի և գյուղապետների միջամտությունը չօգնեց հողատերերին: Վերջիններս 1899 թ. ստիպված եղան գյուղացիների վարած հողերի դիմաց նրանցից մուլք պահանջել³⁷:

Կալվածատիրական գյուղացիները հանդես էին գալիս նաև ոռոգման ջրի համար: Նրանք բազմաթիվ բողոքագրեր էին ուղարկում իշխանություններին, երբ մուլքադարները և միրաբները բռնագրավում էին նրանց ոռոգման ջուրը և հասցնում նյութական մեծ վնասներ: 1899 թ. ապրիլին էջմիածնի գավառի Լեղաշար գյուղի բնակիչները գրում էին նահանգապետին, որ իրենց մուլքադարը, հանդիսանալով միաժամանակ միրաբ, հափշտակում է գյուղի ոռոգման ջուրը, որի հետևանքով, նշում էին նրանք, «մեզ պատկանող բոլոր ցանքսերը, այգիներն ու ծառաստանները այրվել են երաշտից, և մենք անվերադարձորեն վրկվել ենք այն ամենից, ինչը հանդիսանում էր մեր գոյության միակ աղբյուրը»³⁸: Գյուղացիները պահանջում էին պատժել մուլքադար-միրաբին: Պատասխանալով, նրանք մեկ ամիս հետո նույն բովանդակությամբ նոր բողոքագիր ուղարկեցին նահանգապետին, բայց վերջինս նրանց բողոքագրերը կրկին թողեց անհետևանք: Նույն 1899 թ. ապրիլին էջմիածնի գավառի Դովրահարաբա գյուղի բնակիչները նահանգապետին զանգառվում էին, որ միրաբը, չարաշահելով իր իրավունքները, գրկում է իրենց ոռոգման ջրից, որի հետևանքով իրենք հարկադրված են ջուր ձեռք բերել հարևան գյուղերի հետ կովելով և որ ընդհարումները հաճախ հասնում են մարդասպանության: Նշելով, որ միրաբի վարքագծի պատճառով իրենց ցանքսերը չորանում են, գյուղացիները պահանջում էին վերջ դնել նրա չարագործություններին: Սակայն սահանգապետը անուշադրության մատնեց նրանց պահանջը³⁹: Այդ նույն թվականի դարձանք նման պահանջով հանդես եկան նաև Երևանի գավառի Զիմանքենդ գյուղի բնակիչները, որոնք նույնպես պատասխան չստացան⁴⁰:

XIX դարի 90-ական թթ. վերջերին դասակարգային պայքարը շարունակվում էր նաև վանքապատկան գյուղերում: Շինականները բողոքում էին իրենց հողերի բռնագրավումների դեմ, հրաժարվում էին էջմիածնի սինոդի բահրայի վճարումից, փորձում էին գրավել վանքապատկան հողեր և այլն: Օրինակ, 1898 թ. ապրիլին Նոր Բալայեղի գավառի Շահրիգ գյուղի բնակիչները Կովկասի կառավարչապետին ուղարկած խնդրագրում զանդառվում էին, որ Սևանի վանքի միաբանությունը բռնագրավել է իրենց հողամասը և խնդրում էին հտ վերադարձնել այն: Սակայն կառավարչապետը մերժեց նրանց պահանջը⁴¹: Իկլ տեղերում գյուղացիները ուղղակի կամ անուղղակի հրաժարվում էին վանքերի օգտին սահմանված վճարումներից: 1898 թ. սեպտեմբերին, էջմիածնի սինոդը հաշտարար միջնորդին դիմելով, զանգառվում էր, որ Գեղարդի վանքին մուլք չտալու նպատակով Մեհրաբ-Քյուրդքենդ, Մեհրաբ-Բանաբաշ և

37 Տե՛ս «Крестьянское движение в Армении...», էջ 378—379:

38 ՉՍՍՀ ԿՊՊՍ, ֆ. 94, ցուց. 5, գ. 1030, թթ. 1—2:

39 Նույն տեղում, գ. 1024, թթ. 1—13:

40 Նույն տեղում, գ. 1016, թթ. 1—8:

41 Տե՛ս նույն տեղում, ֆ. 94, ցուց. 5, գ. 616, թ. 3:

Մեհրաբու գյուղերը իրենց վարելահողերը դարձրել են այգի և խնդրում էր նրանց նկատմամբ գործադրել գոյություն ունեցող օրենքը⁴²։ Մեկ տարի անց՝ 1899 թ. հոկտեմբերին Սևանի վանքի հոգևորականները զանգատվում էին նահանգապետին, որ Գոմաձոր ու Յամաքաբերդ գյուղերը բացահայտորեն հրաժարվում են վանքին մուլք վճարելուց և նույնիսկ ծեծում են հարկահավաք-հոգևորականներին։ Նրանք խնդրում էին օժանդակել Սևանի վանքի մուլքի հավաքմանը և պատժել «օրինադանցներին»⁴³։ Հաճախ գյուղացիները բերքի լավ մասն իրենց էին վերցնում, իսկ վատը բաժին էին հանում հոգևորականներին։ Այգալես վարվեցին, օրինակ, էջմիածնապատկան Աստարա գյուղի բնակիչները։ 1900 թ. օգոստոսի 24-ին հարկահավաք-հոգևորականները գրում էին սինոդին, որ Մաստարայում բերքը շատ է, բայց բահրա ստանալը՝ դժվար։ «Ուրս եկած արդյունքը փոխանակ կալը թողնելու և այնտեղից իրենց պարտքը լրացնելու, կրում են տուն, հավաքում են տականքը, փշացած ցորենի ու գարու հատիկները, ապա առաջարկում են ստանալ։ Այգ-պիսի դեպքեր պատահեցավ հարյուրավորների հետ։ Ամբողջ գյուղը վճել էր ապառիկ մի բուռ շտալ, իսկ ներկա տարվա բահրան վճարել այնպես, ինչպես վերն ասված է... խնդրում ենք շուտափույթ օգնություն, գոնե ժամանակավոր մի ոստիկան, քանի դեռ կալերը վերջացած չեն։ Իսկ եթե հոգևոր բարձրագույն իշխանությունը վերահաս օգնությունը չանի երկու օրից հետո՝ կորած է մեր հույսը և սուրբ աթոռի արդյունքը... Մեր գրությունը վերջնական է և լուկ ճշմարտություն, հակառակ դեպքում պատասխանատու չենք»⁴⁴։ Սինոդը իր գործը հեշտացնելու համար բահրայի հավաքման իրավունքը հաճախ տալիս էր վարձակալությանը։ Սակայն գյուղացիները հրաժարվում էին նաև կապալառուներին վճարելուց։

1890-ական թթ. վերջերին վանքապատկան գյուղացիների պայքարն ավելի ակտիվորեն դրսևորվեց Վաղարշապատում։ Հայտնի է, որ սինոդը էջմիածնում ունեցած իր հողերի մի մասը սովորաբար աճուրդի էր հանում և տալիս կարճատև վարձակալությանը, իսկ մյուս մասը տրամադրում էր գյուղացիներին իբրև բաժնեհոգ։ 1896 թ. փետրվարին վաղարշապատցիները բողոքեցին սինոդի այդ գործունեության դեմ. դիմելով էջմիածնի գավառապետին, նրանք գրում էին, որ սինոդը չի հանդիսանում էջմիածնի հողերի գերագույն սեփականատերը և, հետևաբար, իրավունք չունի նրանց մի մասը վարձակալությանը տալու։ Գյուղացիները գտնում էին, որ այդ հողերի իսկական տերը Վաղարշապատի բնակչությունն է և որ այդ հողերը պետք է օգտագործվեն այնպես, ինչպես ցանկանում են վաղարշապատցիները։ Իրենց դիմումում նրանք գրում էին. «Զի կարելի թույլ տալ, որ վանքն ունենա Վաղարշապատի գյուղական հասարակությանը պատկանող հողերի հանդեպ այդչափ լայն իրավունքներ, իսկ գյուղի բնակիչները չունենան ոչ մի իրավունք։ Ընդհակառակը, օրենքով գյուղական ժողովն է որոշում հողահանդակների օգտագործման հարցը, և կանոնադրության մեջ չկան ցուցումներ այն մասին, թե ժողովի այդ իրավունքը չի տարածվում վանական հողերում հաստատված գյուղական

42 Տե՛ս «Крестьянское движение в Армении...», էջ 380։

43 Նույն աեղում, էջ 382։

44 Մատենադարան, էջմիածնի սինոդի տնտեսական մաս, Բղթապանակ 130, վավերագիր 18, Բ. 12։

հասարակությունների վրա»⁴⁵։ Այնուհետև վաղարշապատցիները նշում էին, որ օրենքով «ինչպես պետական, այնպես էլ վանական ու տերունական դուղերում հասարակական հողերի տնօրինման իրավունքը, առանց որևէ բացառության, պատկանում է դյուղական ժողովին»⁴⁶։ Ելնելով այդ ամենից, դյուղացիները պահանջում էին դավառապետից՝ չեղյալ հայտարարել 1895 թ. վերաբաժանումը, որով իրենց էր տրված էջմիածնի հողերի միայն 1/5-ը, իսկ դրանց 4/5-ը սինոդը պահել էր իր ձեռքում՝ աճուրդի հանելու համար։ Նրանք դառնում էին, որ էջմիածնի բոլոր հողերը, առանց որևէ բացառության, պետք է տրվեն վաղարշապատցիներին և բաժանվեն նրանց միջև ըստ շնչի, իսկ սինոդի տնօրինման տակ չպետք է մնա ոչ մի թիզ հող։

Գոհացում չստանալով, 1896 թ. մարտին դյուղացիները դիմեցին նահանգապետին։ Նրանք խնդիր էին դնում՝ հնարավոր թյուրիմացություններից ու տահաճություններից խուսափելու համար դադարեցնել հողի վերաբաժանումը գյուղում, մինչև կպարզվի վաղարշապատցիների իրավունքի հարցը էջմիածնի հողերի նկատմամբ⁴⁷։ Նահանգապետի հարցումին 1896 թ. հունիսի 19-ին Ռիֆլիսի դատակոնս պալատը պատասխանեց, որ ինչպես Վաղարշապատի, այնպես էլ Օշականի, Եղվարդի ու Մաստարայի հողային տարածությունները դրանցված են բացառապես վաճառի տիրապետության տակ և տրված են դյուղացիներին իբրև բաժնեհող⁴⁸։ Այդպիսի պատասխան հաղորդեց նաև նահանգապետի հատուկ հանձնարարությունների պաշտոնյան, որը 1897 թ. սեպտեմբերին նշում էր, թե իր հավաքած տեղեկություններով վաճառի պատկանող բոլոր հողերը միշտ տնօրինել է սինոդը, որը վաղարշապատցիներին բաժնեհող է տվել ըստ իր հայեցողության⁴⁹։ Նահանգապետը կանգնեց սինոդի կողմը, և դյուղացիները չկարողացան հասնել իրենց նպատակին։

XIX դարի 90-ական թթ. կեսերից արևելահայ գյուղում սոցիալական շերտավորման ուժեղացման հետևանքով նոր ուժով ծավալվեցին դաժակարգային հակամարտությունները կուլակության և պրոլետարական ու կիսապրոլետարական գանդավածների միջև։ Պայքարը դնում էր ամենից առաջ և ամենից հաճախ հողի համար։ Կուլակային տնտեսությունները, շուրջնալով թուլացնել իրենց դիրքերը, դեմ էին դուրս գալիս համայնական հողերի վերաբաժանումներին, մինչդեռ ընչազուրկ շերտերը ձգտում էին նոր հողաբաժանության, հույս ունենալով, որ կկարողանան հող ձեռք բերել, ընդ որում նրանք պահանջում էին վերաբաժանումը կատարել ոչ թե հարուստների շահերը պաշտպանող «համդա-չարեք» սկզբունքով, այլ՝ ըստ շնչի։ Իրենց համառությամբ գյուղացիները սրուշ ղեկավարում հասնում էին վարելահողերի վերաբաժանման։ Սակայն հողաբաժանարարները ընտրված լինելով հարուստներից, չարաշահում էին իրենց իրավունքները և, զրկելով տնտեսապես սակավազորներին ու ընչազուրկներին, հողերի մեծ ու լավ մասը իրենք էին վերցնում կամ ալիս էին իրենց բարեկամներին։ Դրա հետևանքով գյուղում պայքարը վերստին շարունակվում էր և հաճախ հասնում արյունահեղության, Այսպես, Շարալի-Դարաչաղցուղի դավառի հուշիկ գյուղի բնակիչները դեռ 1888 թ. հողերի վերա-

45 ՀՊՊՀ ԿՊՊԱ, ֆ. 94, ցուց. 5, գ. 402, թ. 9։

46 Նույն տեղում, թ. 10։

47 Նույն տեղում, թթ. 19—20։

48 Նույն տեղում, թ. 21։

49 Նույն տեղում, գ. 674, թ. 3։

բաժանում սխռոնջեցին, բայց դավաճապետը նրանց պահանջը մերժեց: 1892 թ. նրանք կրկին բարձրացրին այդ հարցը, բայց վերստին մերժվեցին: Վերջապես 1894 թ. նրանք հասան իրենց նպատակին, սակայն պարզվեց, որ հողաբաժանարարները, չարաշահելով իրենց իրավունքները, խարդախումներ են կատարել: Մասին 1895 թ. սկզբին գյուղացիների մեծ մասը դիմեց Կովկասի նահանգապետին, խնդրելով հաշիվում նոր և արդար վերաբաժանում անցկացնել: Բավարարում չստանալով, 1896 թ. նրանք դիմեցին նահանգապետին, պահանջելով «սահմանել գյուղում կարգ ու լուրջություն, այլապես աշխարհային անկարգությունների կհասնեն արյունահեղություն»⁵⁰: Նահանգապետը անուշադրությամբ մատնեց նրանց բողոքը: Գյուղացիները շարունակեցին պայքարը նաև հետագայում, բաղժաթիվ բողոքադրեր ուղարկելով ցարական պաշտոնյաներին:

Հողի վերաբաժանման համար մղվող պայքարը համարյա նույնպիսի վախճան ունեցավ նաև Ալեքսանդրապոլի գավառի Թումարոսի գյուղում: Դեռ 1893 թ. այս գյուղի բնակիչները վարելահողերի վերաբաժանում անցկացրեցին, սակայն պարզվեց, որ հողաբաժանարարները այստեղ նույնպես զբաղվել էին զեղծարարությամբ: Գյուղացիները սկսեցին բողոքել նրանց վաբազծի դեմ և 1895—1896 թթ. մի քանի գանդատագրեր ուղարկեցին Երևանի նահանգապետի, վարչությանն ու նահանգապետին: Նրանք նշում էին, թե հողաբաժանարար Ն. Գասպարյանը «իր համար վերցրել է մեծ հողամասեր», «ամբողջ գյուղը խառնում է իրար», չի ենթարկվում գյուղացիների ժողովի որոշումներին: Գյուղացիները խնդիր էին դնում՝ ազատել իրենց «նիկուլայ Գասպարյանի ավերիչ ձեռքներից, որը մեր գյուղի բնակչությանը այնպես է տիրում, ինչպես նորին կայսերական մեծությունը ամբողջ Ռուսաստանում»⁵¹: Նրանք իրենց բողոքը շարունակեցին նաև հետագա տարիներին, բայց արդարյունազուրկ:

Հողաբաժանարարների չարաշահումների դեմ հանդես եկան նաև Ալեքսանդրապոլի գավառի Աղբիլիսա գյուղի բնակիչները: 1895 թ. նրանք գումար էին, որ իրենց ազնիվ ձեռքնոց այդ անձինք, կատարելով մի շարք խարդախություններ, «իրենց հարուստ ծանոթներին ու ազգականներին տվեցին շատ հող, քան հասնում էր օրենքով, ընդ որում տվեցին բարձրորակ հողեր, իսկ մնացած շատերին, ընդհակառակը՝ քիչ ու վատորակ հող»⁵²: Այսպես նշելով, որ հողաբաժանարարների գործողություններից ամենից շատ տուժել են գյուղի աղքատները, նրանք պահանջում էին հողերի նոր վերաբաժանում: Սակայն նահանգապետը նրանց պահանջը ևս թողեց անհետևանք⁵³:

1890-ական թթ. վերջերին վարելահողերի վերաբաժանման համար պայքարեցին նաև Ալեքսանդրապոլի գավառի Ավդիբեկ (1898), Հաջինաղար-Ղուլի (1898), Զղբիլար (1898), Արմուտլի (1899—1900), Սվանվերդի (1897), Զոթուր (1897—1898), Իլիսիաբի (1898), Նոր Բայազետի գավառի Երանոս (1898), Նորաշեն (1898), Երևանի գավառի Ավան (1899), Արդաշար (1895—1896), էջմիածնի գավառի Շիրազալա (1898), Վաղարշապատ (1896—1897), Շարուր-Կարալազյազի գավառի Մալիշկա-Քեշիշքենդ (1895), Սուրմալուի

50 Նույն տեղում, գ. 61, թ. 58:

51 Նույն տեղում, գ. 107, թ. 48:

52 Նույն տեղում, գ. 191, թ. 4:

53 Նույն տեղում, թ. 8:

գավառի Գողբ (1895) և բազմաթիվ այլ գյուղերի աշխատավոր զանգվածները⁵⁴։ Սակայն ցարական իշխանությունները համարյա բոլոր վերոհիշյալ գյուղերի աշխատավորների պահանջները մերժեցին։

Պետք է նշել, որ երկրի որոշ վայրերում վարելահողերի վերաբաժանման համար պայքարում էին ոչ թե պրոլետարական ու կիսապրոլետարական զանգվածները, այլ ունեոր ու կուլակային տարրերը, որոնք ձգտում էին վերաբաժանման միջոցով տիրանալ համայնքների բնագործակ ու բարեբեր հանդակներին։ Այդպիսի դեպքերում աշխատավոր գյուղացիությունը հանդես էր գալիս վերաբաժանման դեմ։ Այսպես օրինակ, 1895 թ. սեպտեմբերին Երևանի գավառի Իմանշանլու գյուղի բնակիչները դրում էին նահանգապետին, որ գյուղապետը, նրա տեղակալն ու նրանց մարդիկ, ցանկանալով ձեռք բերել գյուղի լավ հողերը, անընդհատ պահանջում են անցկացնել վարելահողերի վերաբաժանում, «սակայն մեր հասարակությունը լավ գիտենալով նրանց իսկական նպատակները, չի համաձայնվում»⁵⁵։ Այնուամենայնիվ, 1898 թ. հարուստները իրագործեցին իրենց ցանկությունը և ոմանց տվեցին 17—18, իսկ մյուսներին՝ 12—13 խավար վարելահող։ Դրա հետևանքով գյուղում ներհակություններ առկայի սրվեցին։ Գյուղացիները դառնում էին, որ այդ վերաբաժանումն անարդար է և պահանջում էին այն վերացնել։ Սակայն նահանգապետը նրանց բողոքը թողեց անհետևանք⁵⁶։

1895 թ. մարտին նման բողոքով հանդես եկան նաև Շարուր-Դարալագյազի գավառի Բաշքենդ գյուղի բնակիչները։ Նրանք դրում էին նահանգապետին, որ թեև իրենք չէին համաձայնվել գյուղում վերաբաժանում անցկացնել, այնուամենայնիվ ազդեցիկ համագյուղացիները կատարեցին այն և «լավ մշակված տարածությունների վերցրին իրենց կամ տվեցին ազդականներին, իսկ անպետք հողերը թողեցին սակավառած և աղքատ գյուղացիներին»⁵⁷։ Բաշքենդցիները պահանջում էին վերացնել կատարված վերաբաժանումը և վերականգնել հին հողօգտագործումը։ 1895 թ. ընթացքում նրանք մի քանի խնդրագիր հղեցին նահանգապետին, բայց վերջինս մերժեց նրանց պահանջը։

Աշխատավոր գյուղացիությունը անդիջում պայքար էր վարում հարուստների ու կուլակների դեմ նաև այն ժամանակ, եբր վերջիններս, վերաբաժանումներից բացի, համայնական հողերին տիրանում էին այլ ճանապարհներով։ Այսպես, 1895 թ. փետրվարին Երևանի գավառի Կարակչլակ գյուղի բնակիչները բողոքում էին, որ իրենց հարուստ համագյուղացիները, հանդես գալով համայնքի անունից, կառավարությունից գյուղի համար արոտավայրեր են ստացել, որոնցից օգտվում են միայն իրենք։ Կարակչլակցիները պահանջում էին հանձնել արոտավայրերը ամբողջ համայնքի օգտագործմանը, չափայն նրանք արդյունքի չհասան⁵⁸։ Նման բողոքով հանդես եկան նաև Երևանի գավառի Մեծ Բրուքի գյուղի բնակիչները, այս գյուղի հարուստ և ազդեցիկ մարդիկ համայնքի անունով իշխանություններից վերցրած արոտավայրերը

⁵⁴ Նույն տեղում, գ. 832, 833, 837, 847, 848, 876, 1068, 270, 300, 341, 390, 674, 574, 589, 599, 1054, 92։

⁵⁵ Նույն տեղում, գ. 230, թ. 15։

⁵⁶ Նույն տեղում։

⁵⁷ Նույն տեղում, գ. 253, թ. 5։

⁵⁸ Նույն տեղում, ֆ. 133, ցուց. 1, գ. 1950, թ. 9։

նույնպես բաժանել էին իրար մեջ և թույլ չէին տալիս մյուսներին օգտվելու դրանցից: Նահանգապետը այդ բողոքը մատնեց անուշադրության⁵⁹:

Աշխատավոր գյուղացիները հարուստների դեմ ծառանում էին նաև այն ժամանակ, երբ վերջիններս բռնադրավում էին համայնական հողերը: 1896 թ. հունիսին Երևանի դավառի Վարմադիար գյուղի բնակիչները, դիմելով պետական ունեցվածքների Երևանի նահանգի ու Կարսի մարզի լիազորին, նշում էին, որ իրենց համագյուղացիներից չորս ունեւորներ, առանձնանալով գյուղից, զավթել են համայնքի հողերի մի մասը և վարմադիարացիների մեծամասնությանը զրկել արոտավայրից: Նրանք պահանջում էին հափշտակիչներից ետ վերցնել հողերը և հավասարապես բաժանել բոլոր տնտեսությունների միջև: Բայց գյուղացիների պահանջը մնաց անհետևանք⁶⁰:

Ընկնելով տնտեսական ծանր կացության մեջ, գյուղացիները շատ հաճախ ստիպված էին լինում իրենց հողաբաժինները էժան գնով վաճառել հարուստներին, բայց նրանք չէին հաշտվում այդ կորուստի հետ և ամեն կերպ աշխատում էին ետ ստանալ հողերը, դիմելով ցարական պաշտոնյաների միջամտությանը: Այդ դիմումները սովորաբար մնում էին անհետևանք: Այսպես, 1892—1894 թթ. սովի ու անբերրիության տարիներին Նոր Բայազետի գավառի Նոր Քաղսի գյուղի բնակիչները ստիպված էին իրենց հողաբաժինների մեծ մասը վաճառել կուլակներին, բայց հետո չկարողացան ետ գնել դրանք, որովհետև նահանգապետը անհետևանք թողեց նրանց պահանջը⁶¹: 1895 թ. նման հարցով իշխանություններին դիմեցին նաև Երևանի դավառի Ներքին Շենգավիթ գյուղի բնակիչները, բայց նրանք ևս պատասխան չստացան⁶²:

Ընդհանրապես պետք է նշել, որ դարավերջին Արևելյան Հայաստանի գյուղերում առաջացել էին հողալուրի գանգվածներ, որոնք ասլրուստի միջոց չգտնելով, հաճախ էին դիմում ցարական պաշտոնյաներին և հող պահանջում, սակայն անպարգև⁶³:

Արևելյան Հայաստանում գյուղացիական շարժումները հաճախ բնթանում էին նաև ցարական պաշտոնյաներին դիմագրավելու, կալվածատերերի ու կուլակների ունեցվածքը հրդեհելու կամ նրանց ցանքատարածությունները ավերելու ձևերով: Պաշտոնական տեղեկություններով, Երևանի նահանգում միայն 11 տարվա ընթացքում (1887—1898) իշխանություններին դիմագրավելու և հասարակական «անդորրը» խանգարելու դեպքերը 9-ից հասան 86-ի, իսկ դրանց համար դատաւարտվածների թիվը՝ 6-ից 100-ի⁶⁴: Համարյա նույն տեմպերով աճեցին նաև հրկիզումները, որոնք 1871—1898 թթ. ընթացքում 14-ից հասան 107-ի⁶⁵: Հրկիզումներ առաջվա նման շատ էին լինում Երևանի ու էջմիածնի գավառներում, որոնք հանդիսանում էին նահանգի կալվածատիրական հողատիրության հիմնական շրջանները: Հրկիզումները քիչ չէին պատահում նաև կալվածատիրական հողատիրությունից զուրկ Ալեքսանդրա-

59 Նույն տեղում, ֆ. 94, ցուց. 5, գ. 633, թթ. 1—2:

60 Տե՛ս «Крестьянское движение в Армении...», էջ 376:

61 ՀՈՍՀ ԿՊՊԱ, ֆ. 94, ցուց. 5, գ. 306, թթ. 3—8:

62 Նույն տեղում, գ. 115, թթ. 2—8:

63 Նույն տեղում, գ. 182, թթ. 1—8:

64 Տե՛ս «Обзор Эриванской губернии», 1887, вед. № 5, 1898, вед. № 5а.

65 Տե՛ս «Сборник сведений о Кавказе», т. IV, Тифлис, 1878, էջ 48—49, «Сборник статистических сведений по Закавказскому краю», ч. I, Тифлис, 1902, էջ 88—93:

պոլի գավառում: Գրանք աշատեղ ուղղված էին գյուղի ունեւորների ու կուլակների դեմ:

Այսպիսով, գյուղացիական ընդդիմումներն Արեւելյան Հայաստանում 1890-ական թթ. երկրորդ կեսերին ընդգրկում են ավելի մեծաթիվ գանդավածներ: Նոր ուժով է ծավալվում «սոցիալական երկրորդ պատերազմը»՝ հակամարտությունները գյուղի ունեւորության ու պրոլետարական ու կիսապրոլետարական տարրերի միջև: Այդուհանդերձ, 1890-ական թթ. երկրորդ կեսին եւս գյուղացիական շարժումներն Արեւելյան Հայաստանում գեոեւ թույլ էին, անկազմակերպ ու շարունակում էին արտահայտել առավելագուեւ պասսիվ ձեւերով: Դա բացատրվում էր նրանով, որ տրդյունարեւական պրոլետարիատը իբրեւ դասակարգ նոր էր ձեւավորվում, մարքսիստական սոցիալ-դեմոկրատական կազմակերպությունները բացակայում կամ համարյա բացակայում էին, կալվածատիրական հողատիրությունը քիչ էր, իսկ պեւականը՝ գերիշխող: Եյուղացիները գեւ հավատում էին, որ ցարական վերագաւ պաշտոնյաների ծղնությամբ կտրող եւ զուրա գալ ստեղծված իրավիճակից:

КРЕСТЬЯНСКИЕ ВОЛНЕНИЯ В ВОСТОЧНОЙ АРМЕНИИ

В 1895—1900 гг.

Доктор историч. наук А. С. АМБАРАНИ

(Резюме)

Крестьянские волнения в Восточной Армении были составной частью всероссийской крестьянской борьбы, развернувшейся с новой силой в конце 90-х годов главным образом против многочисленных пережитков феодальных отношений. Выступления армянских крестьян в это время проявлялись в самых различных формах, но преобладающими все еще были пассивные формы. Это было обусловлено слабым развитием промышленного пролетариата, почти полным отсутствием марксистских социал-демократических организаций, небольшим удельным весом помещичьего землевладения в Восточной Армении и т. д.